

Pennu Amcanion Llesiant – Awdurdod Parc Cenedlaethol Eryri

Blwyddyn archwilio: 2024-25

Dyddiad cyhoeddi: Medi 2025

Cyfeirnod y ddogfen: 5005A2025

Paratowyd y ddogfen hon fel rhan o waith a gyflawnir yn unol â swyddogaethau statudol.

Os ceir cais am wybodaeth y gallai'r ddogfen hon fod yn berthnasol iddo, tynnir sylw at y Cod Ymarfer a gyhoeddwyd o dan adran 45 o Ddeddf Rhyddid Gwybodaeth 2000. Mae cod adran 45 yn nodi'r arfer o ran trin ceisiadau a ddisgwylir gan awdurdodau cyhoeddus, gan gynnwys ymgynghori â thrydydd partïon perthnasol. Mewn cysylltiad â'r ddogfen hon, mae Archwilydd Cyffredinol Cymru a Swyddfa Archwilio Cymru yn drydydd partïon perthnasol. Dylid anfon unrhyw ymholiadau ynglŷn â datgelu neu ailddefnyddio'r ddogfen hon at Archwilio Cymru: swyddog.gwybodaeth@audit.wales.

Rydym yn croesawu gohebiaeth a galwadau ffôn yn Gymraeg a Saesneg. Ni fydd gohebu yn Gymraeg yn arwain at oedi. We welcome correspondence and telephone calls in Welsh and English. Corresponding in Welsh will not lead to delay.

Mae'r ddogfen hon hefyd ar gael yn Saesneg. This document is also available in English.

Cynnwys

Cefndir: Ein harchwiliadau o bennu amcanion llesiant	4
Cynnal ein harchwiliad yn Awdurdod Parc Cenedlaethol Eryri	5
Sut a phryd y pennodd Awdurdod Parc Cenedlaethol Eryri ei amcanion llesiant	5
Yr hyn a ganfuom: Mae'r Awdurdod wedi cymhwyso'r egwyddor datblygu cynaliadwy wrth adolygu ei amcanion llesiant	7
Argymhellion	8
Atodiad 1: Cwestiynau allweddol a'r hyn yr oeddem yn chwilio amdano	10

Cefndir: Ein harchwiliadau o bennu amcanion llesiant

- 1 Mae Deddf Llesiant Cenedlaethau'r Dyfodol (Cymru) 2015 (y Ddeddf) yn gosod 'dyletswydd llesiant' ar 56 o gyrff cyhoeddus. Mae'r ddyletswydd yn ei gwneud yn ofynnol i'r gyrff hynny bennu a chyhoeddi 'amcanion llesiant' sydd wedi'u cynllunio i wneud y mwyaf o'u cyfraniad at gyflawni pob un o saith nod llesiant cenedlaethol y Ddeddf.¹ Rhaid iddynt hefyd gymryd pob cam rhesymol, wrth arfer eu swyddogaethau, i gyflawni'r amcanion hynny.
- 2 Rhaid i'r Archwilydd Cyffredinol gynnal archwiliadau i asesu i ba raddau y mae gyrff cyhoeddus wedi gweithredu yn unol â'r egwyddor datblygu cynaliadwy wrth bennu eu hamcanion llesiant.² Rydym yn cynnal rhaglen dreigl o'r archwiliadau hyn, hyd at ddechrau 2025.³
- 3 Mae gwneud rhywbeth yn unol â'r egwyddor datblygu cynaliadwy yn golygu gweithredu 'mewn modd sy'n ceisio sicrhau bod anghenion y presennol yn cael eu diwallu heb beryglu gallu cenedlaethau'r dyfodol i ddiwallu eu hanghenion eu hunain'. Er mwyn cyflawni hyn, rhaid i gorff cyhoeddus ystyried y pum ffordd o weithio: hirdymor, integreiddio, cyfranogiad, cydweithredu, ac atal.⁴
- 4 Gwnaethom gynllunio fframwaith asesu i'n galluogi i asesu i ba raddau y mae gyrff cyhoeddus wedi cymhwyso'r egwyddor datblygu cynaliadwy wrth bennu eu hamcanion llesiant. Mae **Atodiad 1** yn nodi mwy o wybodaeth am ein dull gweithredu, gan gynnwys set o 'ddangosyddion cadarnhaol' sy'n dangos sut y gallai 'da' edrych .
- 5 Wrth ddylunio ein dull gweithredu, fe wnaethom ystyried yr hyn y gallem ei ddisgwyl yn rhesymol gan gyrff cyhoeddus ar hyn o bryd. Dylai gyrff cyhoeddus nawr fod yn gyfarwydd â'r egwyddor datblygu cynaliadwy a'r ffyrdd o weithio a cheisio eu cymhwyso mewn ffordd ystyrlon. Ar yr un pryd, rydym yn gwerthfawrogi bod gyrff cyhoeddus yn dal i ddatblygu eu profiad o gymhwyso'r egwyddor datblygu cynaliadwy wrth bennu amcanion llesiant. Felly, mae'r archwiliadau'n cynnwys ystyriaeth o sut mae gyrff cyhoeddus yn cymhwyso'r hyn a ddysgwyd a sut y gallant wella yn y dyfodol.

¹ Y saith nod llesiant cenedlaethol yw; Cymru lewyrchus, Cymru gydnerth, Cymru iachach, Cymru sy'n fwy cyfartal, Cymru o gymunedau cydlynus, Cymru â diwylliant bywiog lle mae'r Gymraeg yn ffynnu. Cymru sy'n gyfrifol ar lefel byd-eang.

² Adran 15 (1) (a) o Ddeddf Llesiant Cenedlaethau'r Dyfodol (Cymru) 2015

³ Rhaid i'r Archwilydd Cyffredinol gynnal archwiliadau dros y cyfnod a nodir yn y Ddeddf, sy'n dechrau blwyddyn cyn etholiad y Senedd ac yn dod i ben flwyddyn ac un diwrnod cyn etholiad y Senedd ganlynol.

⁴ Adran 5 o Ddeddf Llesiant Cenedlaethau'r Dyfodol (Cymru) 2015

Cynnal ein harchwiliad yn Awdurdod Parc Cenedlaethol Eryri

- 6 Nod yr archwiliad hwn oedd:
- esbonio sut mae Awdurdod Parc Cenedlaethol Eryri (yr Awdurdod) wedi cymhwyso'r egwyddor datblygu cynaliadwy wrth adolygu ei amcanion llesiant;
 - rhoi sicrwydd i'r graddau y gweithredodd yr Awdurdod yr egwyddor datblygu cynaliadwy wrth adolygu ei amcanion llesiant; a
 - nodi cyfleoedd i'r Awdurdod ymgorffori'r egwyddor datblygu cynaliadwy ymhellach wrth adolygu amcanion llesiant yn y dyfodol.
- 7 Aethom ati i ateb y cwestiwn cyffredinol '**I ba raddau y mae'r Awdurdod wedi gweithredu yn unol â'r egwyddor datblygu cynaliadwy wrth adolygu ei amcanion llesiant?**' Gwnaethom hyn drwy archwilio'r cwestiynau canlynol:
- A yw'r Awdurdod wedi rhoi trefniadau adolygu ac adrodd blynyddol priodol ar waith, fel sy'n ofynnol o dan y Ddeddf ac fel y cynghorir mewn canllawiau statudol?
 - A yw'r Awdurdod wedi ystyried gwybodaeth briodol a fyddai'n ei alluogi i benderfynu i ba raddau y mae'r amcanion yn parhau i fod yn gyson â'r egwyddor datblygu cynaliadwy?
- 8 Gwnaethom drafod amseriad yr archwiliad gyda'r Awdurdod, ac fe wnaethom drefnu'r cyflwyniad i adlewyrchu ei amgylchiadau penodol. Gwnaethom gyflwyno'r gwaith hwn rhwng Rhagfyr a Chwefror 2024.
- 9 Gwnaethom gasglu ein tystiolaeth yn y ffyrdd canlynol:
- adolygu dogfennau allweddol;
 - cynnal nifer fach o gyfweiliadau.

Sut a phryd y pennodd Awdurdod Parc Cenedlaethol Eryri ei amcanion llesiant

- 10 Dechreuodd Awdurdod Parc Cenedlaethol Eryri (yr Awdurdod) weithio ar adolygu amcanion llesiant newydd yn ystod 2024 ac yna cytunodd ar ei amcanion newydd ym mis Mawrth 2024. Mae **Arddangosyn 1** yn nodi'r amcanion llesiant hynny.
- 11 Yn flaenorol, rhoddodd yr Awdurdod drefniadau ar waith ar gyfer ymgysylltu ac ymgynghori i gefnogi ei waith o fabwysiadu eu hamcanion llesiant. Mae amcanion llesiant Eryri wedi'u nodi yn Natganiad Llesiant yr Awdurdod 2021-26⁵.

⁵ Awdurdod Parc Cenedlaethol Eryri (Snowdonia gynt), [Datganiad Lles 2021-2026](#) (Mabwysiadwyd gan yr Awdurdod ym mis Mawrth 2021)

Arddangosyn 1: Amcanion Llesiant Awdurdod Parc Cenedlaethol Eryri

Amgylcheddau cydnerth:

1. Gwella rheoli hamdden ac unrhyw effeithiau negyddol hamdden
2. Ymateb i heriau newid hinsawdd
3. Gwella rheolaeth a dealltwriaeth o'n treftadaeth ddiwylliannol
4. Mynd i'r afael â heriau a chyfleoedd rheoli tir yn y cyd-destun ôl-Brexit
5. Mynd i'r afael â'r dirywiad mewn natur.

Cymunedau cydnerth:

1. Cynnal a chynyddu ansawdd bywyd trigolion
2. Cefnogi pobl ifanc
3. Hyrwyddo twristiaeth gynaliadwy i ychwanegu gwerth at gymunedau lleol
4. Hyrwyddo a chefnogi'r Gymraeg yn weithredol
5. Datblygu economi leol sy'n cefnogi dynodi Eryri fel Parc Cenedlaethol a'i rheolaeth.

Ffyrdd cydnerth o weithio:

1. Datblygu gweithlu medrus,
2. Datblygu a hyrwyddo arferion gorau,
3. Gweithio'n effeithiol mewn partneriaeth,
4. Moderneiddio trefniadau llywodraethu,
5. Cynnal a gwella dealltwriaeth a chefnogaeth cymunedau lleol i waith y Parc Cenedlaethol.
6. Cydbwysu adnoddau ac ymdrechion yr Awdurdod

Yr hyn a ganfuom

- 12 Yn gyffredinol, canfuom fod **yr Awdurdod wedi cymhwyso'r egwyddor datblygu cynaliadwy wrth adolygu ei amcanion llesiant ond gall wella'r sylfaen dystiolaeth y mae'n ei defnyddio ar gyfer hyn a sut mae'n monitro eu cynnydd wrth eu cyflawni**. Fe wnaethom nodi isod pam y gwnaethom ddod i'r casgliad hwn.

Trefniadau adolygu ac adrodd

- 13 Mae gan yr Awdurdod drefniadau ar waith i adolygu ei amcanion llesiant ac mae wedi cynllunio adolygiadau cymesur o'i amcanion llesiant. Er enghraifft, mae tîm rheoli'r Awdurdod yn cyfarfod yn flynyddol i drafod a oes angen newidiadau i'w hamcanion llesiant. Yn 2022 a 2023 trafododd y tîm a chytunodd nad oedd angen unrhyw newidiadau. Yn 2024, newidiodd yr Awdurdod ei amcan yn ymwneud â chydbwysu adnoddau mewn ymateb i heriau i'w sefyllfa ariannol. Mae cael y trefniadau hyn ar waith yn helpu'r Awdurdod i asesu mewn ffordd wedi'i chynllunio a yw amcanion yr Awdurdod yn dal i fod yn briodol.
- 14 Mae'r Awdurdod wedi rhoi trefniadau ar waith i fonitro cynnydd tuag at ei amcanion llesiant ac adrodd arnynt. Mae'r Awdurdod yn adrodd ar ei amcanion llesiant yn flynyddol yn ei Adroddiadau Blynyddol. Mae'r adroddiadau hyn yn nodi gwerthusiad yr Awdurdod o gynnydd gan gynnwys dangosyddion perfformiad, y canlyniadau sydd yn nod iddynt neu a gyflawnwyd ac unrhyw gamau y mae'n bwriadu eu cymryd. Gwnaethom ganfod bod yr adroddiadau blynyddol yn cynnwys gwybodaeth ar gyfer pob un o'r amcanion llesiant gyda throsolwg o'r gweithgareddau a gynhaliwyd i gefnogi cyflawni pob amcan. Mae'r Awdurdod hefyd yn darparu asesiad cyffredinol o'r cynnydd yn erbyn pob amcan gyda sgôr Coch, Oren, Gwyrdd (RAG). Mae Pwyllgor Perfformiad ac Adnoddau'r Awdurdod yn cael diweddariadau bob chwarter ac un adroddiad blynyddol sy'n dod â'r adroddiadau chwarterol at ei gilydd. Mae'r trefniadau hyn yn galluogi'r Awdurdod i adrodd yn gyhoeddus ar gynnydd yn erbyn yr amcanion. Maent hefyd yn helpu i alluogi aelodau i herio a chraffu ar berfformiad yn erbyn yr amcanion llesiant.
- 15 Mae'r Awdurdod yn nodi ei werthusiad o'r cynnydd tuag at ei amcanion llesiant yn ei Adroddiad Blynyddol. Mae'r Awdurdod yn nodi rhai canlyniadau ac mae llawer o'i ddangosyddion perfformiad yn gysylltiedig â 'Cynllun Eryri', ei gynllun rheoli statudol a'i ganlyniadau. Fodd bynnag, canfuom ei bod yn ymddangos bod rhai o'r dangosyddion perfformiad a nodir yn Adroddiad Blynyddol yr Awdurdod yn disgrifio gweithgaredd yn hytrach na'r canlyniadau neu'r effaith arfaethedig dros y tymor hwy. Er enghraifft, o dan yr amcan o gefnogi pobl ifanc a datblygu'r cynllun ceidwaid ifanc, mae'r Awdurdod yn disgrifio yn ei ddangosydd perfformiad ei fod wedi creu cyfleoedd i bobl ifanc fod yn llysgenhadon ar gyfer iaith a diwylliant yr ardal (sy'n gysylltiedig â chanlyniad Cynllun Eryri). Disgrifir y canlyniadau yn erbyn yr amcan hwn o ran y nifer yn bresennol mewn sesiynau ceidwaid ifanc, gwaith ymgynghori, maniffesto, digwyddiadau, cynlluniau ar gyfer cyfnewid â pharciau

cededlaethol eraill yng Nghymru a chyllid naill ai a dderbyniwyd neu y gwnaethpwyd cais amdano. Fodd bynnag, nid yw'r Awdurdod wedi nodi'r effaith tymor byrrach na'r tymor hwy a geisiwyd o'r gweithgaredd hwn. Trwy beidio â monitro effaith tymor byr a thymor hwy gweithgareddau, mae'n anodd i'r Awdurdod fonitro a gwerthuso cynnydd tuag at ei ganlyniadau arfaethedig.

Sylfaen dystiolaeth ar gyfer adolygu'r amcanion llesiant

- 16 Defnyddiodd yr Awdurdod amrywiaeth o wybodaeth wrth adolygu ei amcanion llesiant. Er enghraifft, defnyddiodd yr Awdurdod wybodaeth ariannol ac ystyriodd sut y gallai newidiadau i'w adnoddau effeithio ar gyflawni ei amcanion llesiant. Nododd yr Awdurdod risgiau ariannol fel ystyriaeth allweddol ar gyfer gwneud y newid i'w amcanion yn 2024 a diweddarodd yr amcanion o ganlyniad i'r risgiau ariannol.
- 17 Defnyddiodd yr Awdurdod rai ffynonellau gwybodaeth allanol wrth adolygu ei amcanion llesiant. Roedd y ffynonellau gwybodaeth allanol a ddefnyddiwyd gan yr Awdurdod yn cynnwys, er enghraifft, gwybodaeth a gasglwyd yn ystod rhyngweithio â phartneriaid yn 'Fforwm Eryri'. Roedd hyn yn cynnwys, er enghraifft, gwneud nodau a pholisïau trafnidiaeth leol a rhanbarthol yn gydnaws gyda phartneriaid. Mae ffynonellau gwybodaeth eraill nad oedd yr Awdurdod yn eu hystyried yn cynnwys, er enghraifft, unrhyw ddata demograffig perthnasol. Nid oes gan yr Awdurdod drefniadau i sicrhau ei fod yn ystyried barn ei gymunedau wrth adolygu ei amcanion llesiant. Er bod yr Awdurdod wedi ymgymryd â gweithgareddau cynnwys eraill wrth osod ei amcanion llesiant. Mae cynnwys amrywiaeth lawn y rhai sydd â buddiant mewn cyflawni ei amcanion llesiant yn bwysig er mwyn sicrhau eu bod yn adlewyrchu eu hanghenion.
- 18 Mae'r Awdurdod yn ystyried rhai newidiadau yn yr amgylchedd allanol a blaenoriaethau rhanddeiliaid. Er enghraifft, mae'r Awdurdod yn ystyried llythyr cylch gwaith Llywodraeth Cymru wrth adolygu ei amcanion llesiant. Ond nid yw'n ystyried goblygiadau amcanion cyrff eraill y sector cyhoeddus fel rhan o waith adolygu ei amcanion llesiant ei hun, gan gynnwys pan fydd amcanion cyrff cyhoeddus eraill wedi newid neu pan fydd yn gweithio gyda phartneriaid newydd. Trwy beidio â sicrhau ei fod yn ystyried goblygiadau ehangach ei amcanion llesiant i gyrff eraill yn y sector cyhoeddus, mae'r Awdurdod yn wynebu risg o ddyblygu neu golli cyfleoedd i sicrhau buddion lluosog.

Argymhellion

- A1 Dylai'r Awdurdod gryfhau ei drefniadau ar gyfer asesu ei berfformiad yn erbyn ei amcanion llesiant. Mae hyn yn cynnwys gosod mesur perfformiad strategol i gyd-fynd â'i amcanion llesiant sy'n casglu'r effaith tymor byr a hirdymor y mae'n anelu ati.

- A2 Wrth adolygu ei amcanion llesiant yn y dyfodol, dylai'r Awdurdod sicrhau ei fod yn defnyddio amrywiaeth eang o wybodaeth i helpu i benderfynu a yw'r amcanion yn parhau i fod yn briodol. Gallai ffynonellau o'r fath ymwneud â newidiadau yn ei amgylchedd mewnol ac allanol. Gallai enghreifftiau gynnwys, ond heb fod yn gyfyngedig i:
- Deddfwriaeth⁶ a pholisi newydd, gan gynnwys newidiadau i'r amcanion llesiant.
 - Gwybodaeth am dueddiadau, gan gynnwys, er enghraifft, adroddiad Tueddiadau'r Dyfodol Llywodraeth Cymru.
 - Cyngor a gyhoeddwyd gan Gomisiynwyr Cenedlaethau'r Dyfodol, gan gynnwys Adroddiad Cenedlaethau'r Dyfodol.
 - Adroddiad o Gyflwr Adnoddau Naturiol (SoNaRR) ar gyfer Cymru – Asesiadau Cyfoeth Naturiol Cymru yn seiliedig ar Ardal.
 - Unrhyw weithgaredd ymgysylltu perthnasol a ymgwymerir gan eraill a allai fod yn ddefnyddiol neu'n berthnasol.
 - Amcanion llesiant cyrff eraill y sector cyhoeddus

⁶ Er enghraifft, mae adran 20 o Ddeddf Partneriaeth Gymdeithasol a Chaffael Cyhoeddus (Cymru) 2023 yn cyflwyno newid i amcan llesiant 'Cymru Lewyrchus' a nodir yn Neddf Llesiant Cenedlaethau'r Dyfodol (Cymru) 2015. Bydd hyn yn golygu y bydd gwaith 'teg' yn cymryd lle gwaith 'gweddus'. Daeth y newid hwn i rym ar 1 Ebrill 2024. Mae newidiadau o dan y ddeddfwriaeth hon yn ei gwneud yn ofynnol i gyrff adrodd ar y ddyletswydd bob blwyddyn. Mae newidiadau eraill gan gynnwys yr iaith o geisio consensws gyda phartneriaid cymdeithasol.

Atodiad 1

Cwestiynau allweddol a’r hyn yr oeddem yn chwilio amdano

Mae’r tabl isod yn nodi’r cwestiwn yr oeddem yn ceisio’i ateb wrth gynnal yr archwiliad hwn, ynghyd â rhai is-gwestiynau i lywio ein proses o gasglu tystiolaeth. Maent yn seiliedig ar y dangosyddion cadarnhaol yr ydym wedi’u defnyddio o’r blaen yn ein harchwiliadau egwyddorion datblygu cynaliadwy, a ddatblygwyd drwy ymgysylltu â chyrff cyhoeddus ac wedi’u llywio gan gyngor a chanllawiau gan Gomisiynydd Cenedlaethau’r Dyfodol Cymru. Nid rhestr wirio yw’r rhestr hon, ond yn hytrach set enghreifftiol o nodweddion sy’n disgrifio sut y gallai ‘da’ edrych.

I ba raddau y mae’r Awdurdod wedi gweithredu yn unol â’r egwyddor datblygu cynaliadwy wrth adolygu ei amcanion llesiant?	
1. A yw’r Awdurdod wedi rhoi trefniadau adolygu ac adrodd blynyddol priodol ar waith, fel sy’n ofynnol o dan y Ddeddf ac fel y cynghorir mewn canllawiau statudol?	
	Dangosyddion cadarnhaol

I ba raddau y mae'r Awdurdod wedi gweithredu yn unol â'r egwyddor datblygu cynaliadwy wrth adolygu ei amcanion llesiant?

1.1 A yw'r Awdurdod wedi rhoi trefniadau adolygu ac adrodd blynyddol priodol ar waith, fel sy'n ofynnol o dan y Ddeddf ac fel y cynghorir mewn canllawiau statudol?

- Mae'r Awdurdod yn adrodd ar ei amcanion llesiant yn flynyddol, gan nodi asesiad clir a chytbwys o gynnydd yn erbyn amcanion llesiant blaenorol.
- Mae'r Awdurdod wedi cynllunio trefniadau adolygu priodol a chymesur sy'n adlewyrchu ei gylch cynllunio. Gall hyn gynnwys adolygu'r amcanion i raddau amrywiol ar draws cylchoedd blynyddol.
- Lle bo angen, mae'r Awdurdod yn cyhoeddi newidiadau i'w amcanion llesiant.

2. A yw'r Awdurdod wedi ystyried gwybodaeth briodol a fyddai'n ei alluogi i benderfynu i ba raddau y mae'r amcanion yn parhau i fod yn gyson â'r egwyddor datblygu cynaliadwy?

2.1 A yw'r Awdurdod wedi ystyried ffynonellau gwybodaeth mewnol i benderfynu i ba raddau y mae'r amcanion yn parhau i fod yn gyson â'r egwyddor datblygu cynaliadwy?

- Mae'r Awdurdod yn ystyried sut y gallai newidiadau i'w adnoddau effeithio ar ei amcanion llesiant ac unrhyw newidiadau a allai fod eu hangen o ganlyniad.
- Mae'r Awdurdod yn defnyddio'i wybodaeth am berfformiad, gan gynnwys ei berfformiad yn erbyn ei amcanion llesiant ond hefyd gwybodaeth ehangach fel monitro gwasanaethau.
- Mae'r Awdurdod yn defnyddio canlyniadau gweithgaredd cynnwys eraill, neu a allai fod ar gael gan ei bartneriaid. – p'un ai'n gynradd, yn eilradd neu'n gyfuniad - i adlewyrchu amrywiaeth lawn y boblogaeth.
- Mae'r Awdurdod yn cynnwys pobl allweddol o bob rhan o'r sefydliad yn y broses.

I ba raddau y mae'r Awdurdod wedi gweithredu yn unol â'r egwyddor datblygu cynaliadwy wrth adolygu ei amcanion llesiant?

	• Mae gwybodaeth am berfformiad ac unrhyw newidiadau i'r amcanion llesiant yn cael eu herio ac yn destun craffu priodol, ac mae hynny'n cael ei ystyried mewn unrhyw ddiwygiadau.
2.2 A yw'r Awdurdod wedi ystyried ffynonellau gwybodaeth allanol wrth benderfynu i ba raddau y mae'r amcanion yn parhau i fod yn gyson â'r egwyddor datblygu cynaliadwy?	• Mae'r Awdurdod yn ystyried gwybodaeth allanol berthnasol am newidiadau yn yr amgylchedd allanol i'w helpu i ddeall anghenion, risg a chyfleoedd newydd a phosibl a allai effeithio ar ei amcanion llesiant. Mae hon yn debygol o ddod o amrywiaeth o ffynonellau lleol a chenedlaethol, megis: – Gwybodaeth am dueddiadau, gan gynnwys adroddiad Tueddiadau'r Dyfodol. – Adroddiad Cenedlaethau'r Dyfodol, – Adroddiad Llesiant Cymru – Adroddiad ar gyflwr Adnoddau Naturiol (SoNaRR) ar gyfer Cymru 2012 - Asesiadau Cyfoeth Naturiol Cymru yn seiliedig ar ardal – Asesiadau Llesiant y Bwrdd Gwasanaethau Cyhoeddus – asesiadau poblogaeth y Bwrdd Partneriaeth Rhanbarthol – canlyniadau ymarferion cyfranogi/ymgyngori lleol • Mae'r corff yn defnyddio ei wybodaeth am amcanion/gweithgarwch partneriaid, ei gysylltiadau a threfniadau cydweithredu i benderfynu a yw'r amcanion llesiant yn dal i fod yn briodol. Gallai hyn gynnwys blaenoriaethau Gweinidogol, y Rhaglen Lywodraethu a llythyrau cylch gwaith, lle bo hynny'n berthnasol. • Mae'r corff yn ystyried newidiadau i'r amcanion llesiant yn ôl y gofyn.

I ba raddau y mae'r Awdurdod wedi gweithredu yn unol â'r egwyddor datblygu cynaliadwy wrth adolygu ei amcanion llesiant?

- Mae'r Awdurdod wedi ystyried sut y bydd yn mynd i'r afael â gofynion Deddf Partneriaeth Gymdeithasol a Chaffael Cyhoeddus (Cymru) 2023 a'i newidiadau i amcanion llesiant cenedlaethol.



Archwilio Cymru
1 Cwr y Ddinas
Stryd Tyndall
Caerdydd CF10 4BZ

Ffôn: 029 2032 0500

Ffacs: 029 2032 0600

Ffôn testun: 029 2032 0660

E-bost: post@archwilio.cymru

Gwefan: www.archwilio.cymru

Rydym yn croesawu gohebiaeth a
galwadau ffôn yn Gymraeg a Saesneg.
We welcome correspondence in English
and Welsh.